



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De hora celebrandi Missam,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

num: & in Adventu prætermittitur *Alleluja* post *Graduale* cum suo Versu. Si dicenda sit *Missæ Votiva*, requiratur post *Commune Sanctorum* suo loco. Si plures *Orationes* dicendæ sint, requirantur post *Missas Votivas*, suo loco de singulis rebus singulæ. Si pro defunctis dicenda sit *Missæ*, habetur post *Missas votivas*, cum *Collectis* diversis, circa finem *Missalis*, *Ordo* totius *Missæ*, cum *Præfationibus*, *Canone*, & aliis dicendis, habetur suo loco, cum proprio *Missarum* de *Tempore*.

DE HORA CELEBRANDI

Missam.

XV.

1. *Missæ privata* saltem post *Matutinum*, & *Laudes*, quacunque hora ab aurora usque ad meridiem dici potest.

2. *Missæ autem Conventualis & solennis*, sequenti ordine dici debet. In *Festis Duplicibus & Semiduplicibus*, in *Dominicis*, & *infra Octavas*, dicta in *Choro* *Hora tertia*. In *festis Simplicibus & Feriis per annum* dicta *Sexta*. In *Adventu*, *Quadragesima*, *Quatuor Tempori-*

C

peri-

poribus, etiam infra Octavam Pentecostes, & Vigiliis qua jejunantur, quamvis sint dies solennes, Missa de Tempore debet cantari post Nonam.

3. Missa autem Defunctorum dici debet post Primam diei, ubi verò dicuntur eorum Vigilia mane post Matutinum diei, dictis huiusmodi Vigiliis cum Laudibus, immediatè dici potest Missa pro defunctis. Sed in die Commemorationis omnium fidelium defunctorum, Missa Conventualis dicitur post Nonam, quae eo die est principalis. In die etiam Depositionis Defuncti, vel Tertio, Septimo, Trigesimo, aut Anniversario solenni, in quo fit concursus populi, poterit similiter dici ultimo loco post Nonam.

4. Excipiuntur ab hoc ordine dicendi Missam Conventualem, Missa in Nativitate Domini, quarum prima dicitur post mediam noctem finito Te DEUM laudamus in Matutino, secunda in aurora dictis Laudibus & Prima, tertia verò in die post Tertiam, vel ubi aliter ex dispensatione disponatur.

5. Missae Votive quia non correspondent Officio, si solenniter celebrentur pro re gravi, vel publica Ecclesia causa cum populi frequentia, dicantur post Nonam.